



SAKSPAPIR

Saksnr	Utval	Type	Dato
13/2021	Bygdeutviklingsutvalet	PS	11.05.2021

Sakshandsamar	Arkiv	ArkivsakID
Tore Henrik Øye	FE-231	21/509

LØYVING AV BYGDEUTVIKLINGSMIDLAR TIL UTVENDIG OPPRUSTING AV "UNGDOMSHUSET FJELLHEIM" PÅ LID I BERGSDALEN

Vedlegg:

Søknad om bygdeutviklingsmidlar - Utvendig oppussing av Ungdomshuset Fjellheim
TILBUD_1
Anbud arbeid Fjellheim

Kommunedirektøren sitt framlegg til vedtak

Bygdeutviklingsutvalet i Vaksdal kommune løyver inntil kr. 100 000,- i bygdeutviklingsmidlar til Bergsdalen Ungdomslag, org. nummer 999138640, for utvendig opprusting av «Ungdomshuset Fjellheim» på Lid i Bergsdalen.

Løyvinga utgjer 27 % av «godkjend kostnad» på kr. 374 410,- (øvre ramme). Utbetaling vert gjort ut frå dokumenterte utgifter innanfor ramma, og er knytt til innkjøp av material og arbeidskostnader.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå utvalet sine tilgjengelege midlar for 2021.

Tilskotet kan (del)utbetalast i førekant av gjennomføring, etter førespurnad.

Sluttrapport med kostnadsdokumentasjon skal sendast til kommunen innan tre veker etter at tiltaket er gjennomført.

Løyvinga gjeld for 2 år frå og med vedtaksdato. Etter dette vert tilskotet trekt attende.

Framlegg til vedtak, lagt inn i møteportalen av Edvin Hesjedal, H

Bygdeutviklingsutvalet støttar opprusting av Fjellheim med 50.000,-
Midlane vert teke frå BU - midlar for 2021.

Bygdeutviklingsutvalet - Sak 13/2021

BYG - Behandling:

Utvalet drøfta saka.

Edvin Hesjedal la fram følgjande forslag til vedtak:

Bygdeutviklingsutvalet støttar opprusting av Fjellheim med 50.000,- Midlane vert teke frå BU - midlar for 2021.

Kommunedirektøren sitt framlegg til vedtak vart sett opp mot Edvin Hesjedal sitt framlegg til vedtak. Edvin Hesjedal sitt framlegg til vedtak vart samrøystes vedteke.

BYG - Tilråding/Vedtak:

Bygdeutviklingsutvalet støttar opprusting av Fjellheim med 50.000,- Midlane vert teke frå BU - midlar for 2021.

Saksopplysningar

Samandrag/konklusjon (kort om saka):

Bygdeutviklingsutvalet har kr. 500 000,- i tilskotsmidlar til fordeling i 2021.

Bergsdalen Ungdomslag søker om kr. 170 000,- i bygdeutviklingsmidlar til utvendig opprusting av «Ungdomshuset Fjellheim». Søknaden utgjør 45% av «godkjend kostnad» på kr. 375 410,-.

Kommunedirektøren finn at søknaden er i samsvar med føremålet til bygdeutviklingsmidlane, og går inn for å løyve kr. 100 000,- til tiltaket. Dette utgjør 27 % av «godkjend kostnad». Framlegget til stønadsbeløp er gjort etter ei samla vurdering av innaldet i søknaden, inntekter og tilgjengelege midlar.

Bakgrunn for saka:

Bygdeutviklingsutvalet i Vaksdal kommune forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling i 2021. Delar av midlane er nytta.

I søknad av 31.03.21, søker Bergsdalen Ungdomslag, ved Berit Pettersen, om kr. 170 000,- i bygdeutviklingsmidlar til utvendig opprusting av «Ungdomshuset Fjellheim» på Lid i Bergsdalen.

Vedlagt budsjett, med pristilbod på innkjøp av material og innleigd arbeidskraft, viser ein prosjektkostnad på kr. 375 410, inkl. mva. I dette høve utgjør søknaden 45 % av budsjettet kostnad. Det resterande beløpet på kr. 250 410,-, skal dekkjast gjennom eigne midlar (kr. 176 000,-) og dugnadsinnsats. Planen er å gjennomføre arbeidet med det første.

Det går fram av søknaden at ungdomshuset, som er frå 1927, har vore godt vedlikehalde opp gjennom åra, men at det no er tid utvendig vedlikehald.

Søklar skriv at det vart gjennomført ei omfattande, innvendig opprusting i 2020, mellom anna i

form av nytt kjøkken, vøling av toalett/vaskerom og bytting av golv og dører. Til saman brukte laget kr. 361 000,- av oppsparte midlar til arbeidet, saman med om lag 400 dugnadstimar frå medlemmane.

I søknaden vert det vektlagt at ungdomshuset er viktig for bygda/dalen. Det er her mange arrangement og festlege lag vert haldne. Huset vert leigd ut i ulike samanhengar.

Etter store økonomiske løft, har no laget ikkje eigne midlar til å fullfinansiere planlagt arbeid, og eit tilskot for Bygdeutviklingsutvalet vil i dette høve kome godt til nytte, i følge søkjar.

Formelt grunnlag

- Kommunelova - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne på møtet av 26.05.20; <https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Bruk av det formelle grunnlaget går fram under «*vurdering og konsekvensar*».

Vurdering og konsekvensar

Søknaden frå Bergsdalen Ungdomslag vert vurdert å vere i samsvar med retningslinjene for tilskotsordninga sine krav til innhald, og kven som kan søkje om midlar (mellom anna frivillige lag/organisasjonar).

I følge retningslinjene skal bygdeutviklingsmidlane nyttast til føremål med ålmenn nytte, og stimulere til levande bygdeliv. Midlane skal kome mange til gode, skape trivnad og medverke til aktivitet som er tilgjengeleg for alle. I dette høvet kan det gjevast midlar til materiell og utstyr til ulike prosjekt og stader. Det kan òg gjevast støtte til kurs og kompetanseutvikling, men ikkje til drift.

Tiltaket det vert søkt om finansiering til, vert sett på som eit fellestiltak, med lokal funksjon og nytteverdi for mange. Ungdomshuset er ein naturleg samlingsstad for innbyggjarane i Bergsdalen i ulike samanhengar, og huset legg til rette for felles aktivitet og oppleving.

Kommunedirektøren vurderer at planlagt opprustingsarbeid er i samsvar med føremålet til bygdeutviklingsmidlane, og at det er grunnlag for å løyve tilskot.

Ved vurdering av søknaden vert det lagt spesiell vekt på ungdomslaget sin høge eigenfinansiering og dugnadsinnsats, både i samband med gjennomført og planlagt arbeid på huset. Dette tel positivt.

Retningslinjene seier at det ved prioritering av søknadar, skal takast omsyn til geografisk spreiding og om bygder har fått tilskot ved tidlegare høve. Grendene i Bergsdalen har etter kva Kommunedirektøren kjenner til, ikkje fått tildelt bygdeutviklingsmidlar før, men to søkjarar har søkt ved denne søknadsomgangen.

Det er kome inn mange søknadar, og samla søknadsbeløp overstig tilgjengelege tilskotmidlar. Ei prioritering er difor naudsynt.

På bakgrunn av søknaden sitt innhald, kriteria for løyving av tilskot, tilgjengelege midlar og

innkomne søknadar, går Kommunedirektøren inn for å løyve kr. 100 000,- i tilskot til utvending opprusting av «Ungdomshuset Fjellheim». Løyinga er kr. 70 000,- mindre enn kva det vert søkt om, og tilskotet utgjer 27 % av «godkjend kostnad».